

ՀԱՅԿԱԿԱՆ ՍՍՌ ԳԻՏՈՒԹՅՈՒՆՆԵՐԻ ԱԿԱԴԵՄԻԱՅԻ ԸՆԴՀԱՆՈՒՐ ԺՈՂՈՎ Ը

Հոկտեմբերի 7-ին տեղի ունեցավ Հայկական ՍՍՌ Գիտությունների Ակադեմիայի ընդհանուր ժողովը:

Ժողովը բացեց Հայկական ՍՍՌ Գիտությունների Ակադեմիայի պրեզիդենտ Վ. Համբարձումյանը:

Ներածական խոսքում նա նշեց, որ ժողովում կքննարկվի երկու կարևոր պրոբլեմ՝ Զանգեզուրի, որպես Սովետական Միության պղնձա-մոլիբդենային խոշոր բազայի պրոբլեմը և Արարատյան դաշտավայրի ճահճացած ու աղակալած հողերի օգտագործման պրոբլեմը: Այդ պրոբլեմները ունեն ժողովրդատնտեսական մեծ նշանակություն: Ընկ. Վ. Համբարձումյանը ասաց, որ վերջին տարիներում Հայաստանի երկրաբանները հայտաբերել են Հարավային Հայաստանում պղնձի և մոլիբդենի նոր հանքավայրեր: Այդ հետազոտությունները վկայում են, որ ռեսուրսների ընդերքը դեռ բավականաչափ չի ու-

սումնասիրված և այս բնագավառում գիտնականների առաջ ծառայած են մեծ խնդիրներ:

«Հարավային Հայաստանը որպես Սովետական Միության պղնձա-մոլիբդենային խոշորագույն հանքավայր» մանրամասն զեկուցումով հանդես եկավ երկրաբանական-հանքաբանական գիտությունների թեկնածու Ի. Մաղաքյանը:

Երկրորդ զեկուցումը՝ «Հայաստանի հարավային շրջանների գունավոր մետալուրգիայի դերը երկրի արտադրողական ուժերի զարգացման ասպարեզում» կատարեց ավագ գիտական աշխատող Գ. Ալավերդյանը:

Ժողովը հանձնարարեց Հայկական ՍՍՌ Գիտությունների Ակադեմիայի նախագահությանը՝ կազմակերպել ռեսուրսների գաղափարային արտադրողական ուժերի ուսումնասիրման խորհուրդ:

Այսօր տեղի կունենա Հայկական ՍՍՌ Գիտությունների Ակադեմիայի ընդհանուր ժողովի երկրորդ նիստը: